



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda, in Scholis Medicorum, die Jovis decimo-sexto
Aprilis, anno M. DCC. L.*

M. CAROLO-FRANCISCO BOUTIGNY DES PREAUX,
Doctore Medico, Præsides.

An diu possit homo, sine cibo potuque, & vivere & valere?



INGULA humanæ machinæ instrumenta pervolve. Intima ipsius scrutare penetralia. Præter extructam solidis fluidisve compagem, nil quidquam occurret indagini tuæ. Reciprocè in sese invicem impetat, lucet. & quasi circa æquilibrii punctum moveatur duplex illud partium genus: jam hæc ponitur physica conditio quâ vivit homo. Si æquabilis ubique, expedita, integra ac perfecta fuerit: hæc alternatio motûs; illic præsens consalutanda sanitas, bonorum omnium exoptatissimum. Ubi verò vel in unico organo languida, inæqualis, perturbata, impedita reciproca illa solidorum ac fluidorum actio; morbus adest, acerbum & heu nimium! frequens humanæ gentis flagellum.

La renommée du chéloïd agé de 11 ans fut surprise d'un vanouissement qui dura long-temps; on l'enveloppa dans une peau de mouton, elle revint, mais elle essuya pendant un mois des tremblements par tout le corps de la dernière violence. Depuis la toussant 1751 époque de la chute perenne. Commencement du Cavene de 1755. Cette fille n'a pas pu même prendre du bouillon elle se peignait l'égion lui faisoit avaler par force. Dans les 6 premiers mois de la maladie elle n'a bûni Eau ni Vin, Elle sucoit de petits os tendus son doigt trempé dans l'eau. au bout de six mois elle a commencé à boire, mais elle n'allait pas à la selle.

Si tandem ubique corporis sufflaminatus ac prorsus extinctus sit alternus hic & vitalis partium nisus, jam exarata ultima linea rerum, totumque corpus amara mors tenet. Summi opificis penitus oppositos ab unâ eâdemque causâ effectus eruentis ineffabilem hinc sapientiam agnosce, suspice, venerare. Quo motu nascitur homo, vivit, viget, floret, eodem fatiscit, senescit, properatque ad interitum. Etenim commota indefinenter vascula, assiduo franguntur detritu, brevique collabascunt. Fluida verò continuo quo aguntur trusili motu, per parulos exitus uberrimè è corpore fusa ac penè exhausta, vasculosum systema cui proluendo ac dilatarando dicata, propemodum inane relinquunt. Horum pars superstes tot repetitis contrita solidorum ictibus, accenditur, mitem exuit indolem, exasperatur, acris, volatilis, putredini proxima fit. Solo igitur vitali solidorum & fluidorum motu, tota citò pessum iret machina, lethoque maturiori occumberet, nisi imminentem hanc ruinam congruente pabulo provida cavisset natura. Hoc cibo potuque identidem subministratum, debitum liquidi penu suggerit, nativam ipsius blanditiem fovet, putridamque & alcalinam ejusdem corruptionem avertit, assidua denique solidorum dispendia sarcit, & ita ad certum usque tempus vitales prorogat motus. Num poterit unquam humana machina, tam necessario sustentaculo, vitâ superstitute diu defraudari? Minimè quidem, nisi stupendis de causis liquida, negato exitu, sufficienti copiâ vasis coercita maneant; simulque generalis ille retundatur impetus, quo tam citò & ad putredinem vergit universa liquidorum moles, & jugi ramentulorum abrasione tota deteritur vasculorum compages. Hunc autem statum reipsâ occurrere posse concipitur. Eundem verò morbosum nec unquam vigente sanitate reperiendum agnoveris, qui portentosus & à naturali humani corporis habitudine alienus. Ex quibus sic prælibatis, nuncque fusiùs paulò explanandis intricatæ hujusce quæstionis elucidatio spontè fluat.

I. I.

De aëris &
alimenti de-
fectu, &c.

NO S hic inania tantummodò & merè hypothetica confectari, Junonem, ut aiunt, in nube quærentes, ne judica præceps; nec cuncta inedia portenta, tanquam commentitia, leviter ac sine delectu explode. Si enim doctissimum, ut par est, PECHLINUM audiamus, *Tot virorum eruditorum testimoniis argumentisque probata est abstinentium historia, ut qui illam inficiari ausus sit, etiam meridiani solis lucem negare videri velit.* Innumera profectò hic congerere fas esset exempla hujusmodi, ex LENTULI, LICETI, PECHLINI, SCHURIGII, aliorumque operibus, tum & ex variis Europæ diariis ac scientiarum commentariis facile depromenda. In tantâ copiâ, pauca, sed certa ac fida seligere præstat. Missò igitur fabuloso philosophi EPIMENIDIS somno, pari jure neglectis septem dormitoribus sub VALENTINIANI imperio, necnon consultò prætermisiss quæ ab ocularibus testibus non traditæ, optato carent certitudinis gradu, perpeffi per 15. 18. 20. 22. 30. 36. 40. annos perfecti jejunii historiis, ea primùm annotare consentaneum est, quæ incredulis injucunda minùs. Plures ab omni cibo diu abstinuissè, soloque potu sustentasse vitam, certo certius est. Sic Canadenses sylvarum incolæ aquâ solùm & tabaci fumo diutissimè famem depellunt. Sic in Melitenâ insulâ, plurimi ægotantes solâ propinatâ per multos dies glaciali aquâ, non vixere tantùm, sed & convalere. Unico aquæ potu, hebdomadarum septem spatio fuit enutritus Colonienfis ille melancholicus cujus meminit ALBERT. magnus. Harlemens quidam maniacus per 40 dies jejunavit nicotianæ fumo & aquâ pro colluendo ore solummodò usus. Per universam tandem Galliam famâ pervagatum est piissimum illud Senonensis Benedictini patris LEAULTE' jejunium, cui per viginti & ultra annos, toto quadragesimali tempore, præter aquam & vinum in Sacro celebrando hausta, nil aliud cessit in nutrimentum. Nec id observationum genus recensentes à scopo aberravimus. Si non evertat, saltem movebit incredulorum pertinaciam, hosve ad sequentes absolutæ inediae historias benigniùs excipiendas sensim aptabit. Quis eorum debitam magno FERNETTO nostro audebit denegare fidem, cum se vidissè narrat gravidam mulierem cujus supernum ventriculi orificium schirro impeditum liquidis sicut & solidis omnem præcluserat viam, quæve sic invitè jejunans vixit adhuc per bimestre spatium. Nec exempla desunt hominum qui sub dirutis ædificiis aut in antris subterraneis diu quasi conssepulti delituere, quin fame perierint. Non pauci etiam in Cochinchinæ regno deprehenfi sunt, qui Christianæ religionis ergò carceribus inclusi, omni alimento orbat, sicque certissimæ morti damnati, horridam hanc famem sitimque per plures menses pertulere. Percelebris Confolentanea abstinens observanti CYTHESIO à quo tradita ipsius historia, hæc phænomena successivè exhibuit. Febrem ac vomitum. Loquelæ amissionem. Delirium. Partium capiti subjectarum, faucium imprimis paralyfim cum ciborum horrore sex mensium spatio sævientem. Motum postea in membris restitutum. Superstes cujuscumque alimenti fastidium. Abdominis complanationem & atrophiam. Reliqui corporis plenum satis habitum & incrementum. Linguam abbreviatam. Cohibitum omne excretionum genus. Cutim aridam, frigidam, nec motu

Elle doit être très maigre son ventre aplati, et toute fois le visage plein, le teint frais, vermeil elle perd le sommeil, l'appétit la parole et l'usage de ses jambes. Elle se trainoit sur le ventre, longtemps après elle a marché sur ses genoux, et actuellement elle marche avec des poignées. Elle n'a jamais eu de la fièvre. Elle a commencé à manger en février 1755 elle peut marcher sur ses jambes, sans ressentir de douleurs. la même chose se arriva à une femme de Moyli, village de Saum, il y a quelques années. vid. chronique de France Janv. 1756
tome 1^{er} pag. 186

incalescentem, nec unquam sordibus conspurcatam. Hæc ab omni cibo & potu per tres annos & ultra abstinuit. Puellam vidit Patavinus Professor Alexand. VIGUNTIA, quæ febre primùm, dein brachii sinistri tumore, ac demum ventriculi, totius abdominis, & articularum dolore obsessa. His successit brachii sinistri paralytis, cum violento cujuslibet ingesti vomitu. Nau-seabundus indè omnis alimenti horror. Subtractum idcirco quodcumque pabulum. Hinc quarumcunque excretionum suppressio. Sic binos vixit menses non marcescens, sed floridam satis faciem gerens. Tunc exhibito pulvere quemdam cum lumbrico vivo evomuit humorem. Persequens trimestre singulis ferè diebus, primùm per alvum, dein per vomitum copiosè satis erupit cruor. Fugatam postea brachii paralytim excepere cæcitas ac desipientia, & ita per octo menses, penitè jejunam duxit vitam cataleptici aliundè insultibus sæpissimè percussam. Sensim tamen restituta & ingestio & egestio. At paulò post fatali redeunte vomitu cætera revixere symptomata, & renata indè altera perfecta ac bimestris inedia. Celebres inter hæc jejunantes micat APOLLONIA SCHREIERA, quæ PAULO LENTULO eruditi operis suppeditavit argumentum. Hæc cum deperdito sensim cibi potùsque appetitu & usu, menses aliquot prorsus impasta transegeret, senatùs Bernensis jussu, in nosocomium traducta, ubi diligentissimum cui diù subjecta fuit examen, integram ipsius inediam posuit extra dubium. Compressum fuit in eâ quodlibet excretionum genus. Contabuit simulque induruit imus venter. Languidum & quasi paralyticum musculorum omne systema. Totum corpus stupore gravatum, ferè impar erat motui. Adeò hebes in extimâ cutè sensus, ut repentes in facie muscas non deprehenderet, nec rigentis brumæ frigus adverteret accerrimum. Jam ad duodecimum usque annum stupendum illud protractum fuerat jejunium, cum alimenta appetere & ingerere cœpit, sensimque abactis singulis prædictis symptomatis, pristina restituta fuit sanitati. Nec ibi reticenda puellæ è loco *Pallet in Burgundia* comitatu observatio, quæ è curru in terram violenter excussa, quadrupedante equorum ungulâ leviter in capite ac cervice quassata, & transilientibus rotis in dorso circa undecimam vertebra vehementissimè concussa, cruento primùm vomitu, febre dein periculossimâ, diris doloribus, brachii sinistri paralyti, inappetentiâ, contumaci pervigilio, accuratâ tandem imarum faucium constrictione confictata, per biennium & ultra, præter sacchari & condituræ liquidæ modicum, panis miculas aliquot & binos aquæ cyathos, nil quidquam ingessit. Hæc postea per quatuordecim menses nullas omnino tetigit dapes, satis habito manente corpore, febriculam, levesque idemtidem patiens sudores, nil per alvum & vesicam excernens, nec unquam, quod mirum, consueto orbata catameniorum profluvio. Medica Societatis Edimburgensis acta insolitam exhibent junioris puellæ abstinentioniam à gravi mœröre & indè ortâ mensium suppressione primordia ducentem, & vomitu primùm ac convulsivâ gulæ coarctatione incautè sumpto emetico accersitis, spasmodico dein totius corporis statu, præsertim frequenti tetano, cæcitate, surditate, tandemque lethali marasmo stipatam.

Journal
des Sçavans
Mars 1688.

Tom. VI.

Nisi angustii vetarent hujus scripti limites, non pauca alia id genus exempla addere promptum esset. Horum claudat agmen miranda prorsus Virginis Vivariensis historia quam invisere, alloqui, & accuratissimè explorare licuit. Hæc à teneris annis rustico dedita labori, hystericos insultus, colicam nephriticam, vomitam pulmonum, parùm prosperum catameniorum fluxum, aliaque non levia perpeffa fuerat mala. Sinistro casu in fluentem rivum ex alto prolapsam statim corripuit pleuritis consuetis expugnata præfidiis. Hanc excepit ischuria cum violento ac pertinacissimo vomitu, quæ quadamtenus fugata. Accessit hemiplegia brevè in paraplegiam desinens. Tunc præclusâ gulâ, solitum victum sibi denegare coacta ægrotans. Naturalis quæcumque evacuatio indè suppressa. Occæcata dein vi morbi misera Virgo, ipsique obscuruit auris una. Idemtidem per plures continuos dies primùm non parùm quam ex inflammata inammâ guttatim exudare sanguis. Uterque ille fluxus quatuor prioribus inedia annis sæpè recurrens, totidem ultimis rediit nunquam. At singulis annis vernâ tempestate erumpens sputum cruentum occlusam alimentorum viam periodicè sed levissimè reseravit, ita ut lactucæ, aut alterius oleris, aut panis azymi frustula minima, vel aliquot aquæ guttulas, tunc deglutire liceret, quæ sæpè vomitu rejecta, quandoque tamen retenta, quæve in vacuum prolabendo ventriculum, strepitum quemdam edebant, quasi in profundum puteum denjgerentur. Verùm brevè post penitè arctabatur iter, nonnisi sequenti anno pari tempore, consimilique ratione recludendum. Subucula quâ contegebatur famosa hæc abstinens, tum & indusia inter quæ jacebat ab octo annis, non squalore foedata, sed usu tantùm detrita videbantur, nec unquam stratum cui perpetuò fuit affixa, putridum exhalavit odorem. Singularis hic status à prægressis affectibus virginem non exemit. Nephritico dolore fuit aliquoties afflicta, pluresque calculos ingenti cum cruciatu, nullo profluente urinoso latice, reddidit. Violentus etiam contigit ipsi vomitus, pituitosæ materiæ vermiculis

A ij

on suppose ce phénomène. Si suppose la chaleur la transpiration anéantie, et les autres évènements
l'impossibilité d'avaler indique la paralysie de la langue du pharynx de l'œsophage de l'estomac
des muscles abdominaux. L'introduction de l'air par les poumons et par la peau a dû vaporiser le peu
de dissolution qui s'en fait dans cette fille. La nature a essayé dans bien des temps de le faire par le peu

nonnullis interspersa. Singula hæc à probo & perito Medico teste oculari edoctus; simul cum eo abstinentem nostram invisi die vigesimo-quarto mensis Februarii anni 1745. Hanc in humili & obscuro cubiculo lecto decumbentem reperii. Naturalis ipsi inerat facies, cum satis pleno universi corporis habitu. Pulsus erat lentus, exiguus, ritè ordinatus. Præcipiti motu nictitabant palpebræ. Musculus temporalis sinister perpetuo convulsivo motu quatiebatur. Arida, aspera, albicans & abbreviata lingua. Cutis frigidiuscula & satis flexilis. Motu sensuque orbata visa sunt membra. Quæsitis meis ingenuè respondens retulit se vix horâ unâ somno indulgere per totam noctem, ferè continuò dolere caput, quandoque pectus, at sæpiùs multò scrobiculum cordis. Collapsum aridumque abdomen manibus contrectavi sed præsertim ventriculi regionem depressam & rigidiorē. Violentam huic quamvis non intulissē pressurionem, sequenti manè tamen de ejusdem regionis sæviori dolore conquesta est. Sub Septembris finem, convulsionibus, pectoris oppressione vocem adimēte, perpetuoque vomitu divexata per plures dies, vermes adhuc multos ejecit. Ingenti conatuum vi obseratam pandente viam, uberrimè hausit aquam, & quædam alia ingessit; at hæc quancitò vomitu sursum efferebantur. Postremis vitæ suæ diebus, fluxilem, Caffé decocto similem, & emplastrum epigastricæ regioni admotum redolentem materiem excrevit, necnon paralytica membra movit aliquantulum. Tandem 14. Octob. die obiit. Stupendam hanc historiam veram, certam, & ab omni fraudis suspitione immunem esse comperiit plurium fide dignorum, ac præsertim Reverendissimi Episcopi Vivariensis diligentissima observatio. Qui singula hujusmodi exempla negaverit audax, numerosam doctrinā morumque integritate insignium virorum cohortem, levitatis, aut ignorantia, aut improbitatis necesse habet insimulare.

D. de Ville-
neuve, nunc
Episcopi
Monspel.

I I I.

VEGETABILE Regnum, ac multiformem animalium familiam attentis intueri oculis, nec tibi monstrum erit incredibile humana inedia, nec eam reputabis mentis figmentum. A telluris consortio semoti bulbi sponte suâ singulis ferè annis in aère adolēscunt. Similiter & nonnullæ plantæ à terrâ matre ablactatæ fornicibusque in alienos usus suspensæ, injustæ virescunt, progerminant & vitæ vegetabilis testantur robur. Si ergò organicum plantæ corpus solito maternoque pabulo viduaturn, possit adhuc propriâ sibi vitâ potiri; cur organica pariter humana machina, consueto victu subtracto, certis in casibus, vitæ suæ compos non esset? At vivax illud & mobile regnum properemus perlustrare, cujus pars magna sumus. Nec statim contemptum pariat humilis & pusilla insectorum moles; nullibi enim magis enitet adoranda summi numinis sapientia. Hæc autem rigente hyeme, abdita, consopita, immota, jejuna, ac velut extincta manent, quousque gratâ vice veris, renovato calore reviviscant, & in liberum vitalibusque effluviis perfusum se vindicent aërem. Sic provida formica, tam sollicitè non pabulum sibi, sed stratum comparat quo suum hyemalem commodè possit obire somnum. Industrios hosce vermes sedulò considera, qui sepulchralem domum tantâ cum solertiâ sibi nectunt & exstruunt, quâ vivi sepeliuntur, diutissimèque reconditi, impasti ac velut mortui sub chrysalidum aut nympharum nomine latent, qui tandem congruo calore foti funebrem perrumpunt thecam, resurgunt alacres, & novâ, elegantiori sæpèque variegatâ formâ indutos, verbo papiliones se exhibent. Jam erecto vultu per aëra volitantem contere avium turmam. Harum major pars semestri duplici distinctam degit vitam. Altero vivide agunt, lætè moventur, celeri volatu paragrunt æthera, dulcedine cantûs sese invicem mulcent, nidulos ædificant, sæpè ruunt in amatorios amplexus, concipiunt, pariunt, pullulos educant, optatisque & avidè conquistis dapibus se satiant, alternâ alioquin requie se reficientes. Per aliud verò semestre spatium, suis occultatæ latebris, sibi invicem implicatæ, ac convolutæ aviculæ, perpetuò quiescunt, torpent, soporantur, jejunant, nec nisi in interioribus vivunt mortuis extis similes, donec jucundo reditu veris recalescant & quasi renascantur. Nec infrequens est pisces etiam mediis in undis frigore nimio obtorpescere, latere, ac velut immori, imò & glacialibus ramentis obduci. Id quoque de amphibis notum, ea Hyberno frigore constricta & corrugata cryptis recondi, silere, altoque sepeliri somno, ut serpentes, bufones, lacertæ, &c. At notiora adhuc Hyberna quadrupedum latibula, in quibus alia unam & perpetuam obdormiunt hyemem, alia verò certis periodis movent se, iterumque ad somnos se componunt. Verum id certissimum est erinaceos, glires, alpinos mures, aliaque hujus familiæ animalia, ut inimicissimo hyemali frigori se subducant, cuniculis abdi subterraneis, collecto in orbem corpore obdurari, & somno immergi adeò profundo mortisque æmulo, ut eum verberibus, ferro, igne vix excusseris. Nec crede ea solummodò diu jejunare posse animalia, quæ totam hyemem stertunt. Serpentes absque ullo pabulo in vase coërcitos, sex mensium spatio & vivere & moveri expertus est AMBROSINUS. Observante oculatissimo REDI, superstite vitâ motuque inediam ferunt feles 20 dierum, canes 36. vipera octo mensium, testudines tandem mensium 18. Ipsa velocissima animalia, quæ pernici-

*avoir eu peu de temps. vid. le traité du professeur LECHE, ce qui en va rapporter par Souverain-journal de la 1^{re} de
harlem, joanne Baland, la fille de Viper, et le prêtre de Noyon qui tous ont vécu pendant différents temps
assez longs sans manger n'éprouveront aucun des autres accidents de la maladie. de proubaire villey.
de Baume Diocèse d'antun ou la michelod après naissance d'un vigneron. Marsure de juillet 1756.*

motu jactant corpus, cerastes putà, draco, salamandra, chameleon inediae patientissima feruntur. Hinc sparsus error ultimum hunc solo aëre victitare. Ut harumce observationum vis unita tutiori momento pertinacem expugnet incredulitatem, hæc altâ mente perpende. Animalis cujuscumque sicut & hominis corpus machina est hydraulica ex vasculis fluidisque per ea traductis conflata. Utriusque vita in alterno harumce partium motu. Ut structura eadem, sic eadem mechanica ratio in utroque. Quæ igitur tamdiu ab animali vivente toleratur inedia, certæ solidorum fluidorumve mutationi haud dubiè tribuenda. Quis ergo sanæ mentis physicam hanc conditionem in humano corpore omninò impossibilem esse affirmaverit? Eandem quis negaverit esse præternaturalem?

I V.

HUMANÆ igitur inediae exempla fidâ nonnunquam observatione prodita fuisse stet inconcussim. Eadem ductis ex analogiâ argumentis firmari, sit pro comperto. Nec hisce jam consulenda refragabitur ratio. Age porrò, abstrusum altèque reconditum stupendi hujusce phænomeni strenuè perquiramus fontem. Quo pacto in humano corpore nullo cibi potûsque genere instaurato, sat fluidi superest ad amplianda vasa, & ad circularem ac vitalem motum saltem in nobilioribus organis diù fulciendum? Deinde verò debitâ quamvis copiâ occurreret in jejuno corpore fluidum, quî sit ut non novatum ab illâ alcalinâ putridâve corruptione tamdiù perstet immune, in quam motu, calore, nativâque indole aliàs tam citò vergit? Hæc duo nunc operosè excutienda. De priori sollicitam reperies scriptorum turmam. Ultimum dubio procul magis intricatum vix subolfecere nonnulli, nemo quod sciam, ex professo tentavit enodare. Ut primum haud infelici expediamus eventu, suprà deplētum quorundam animalium periodicum ac semestrem somnum præstat intueri diligenter. 1°. Hunc ciet hostile frigus. Corporis autem cujuscumque densare molem frigori proprium. Stringit ergo & ocludit penitus cutanea horumce animalium spiracula. Sic excretionum uberrimam cohibendo, debitam servat in iisdem fluidorum copiam, ut intus pergat adhuc aliqualis vasorum motus. Indè igitur conjicere pronum est, præsertim ob compressam penitus insensilem perspirationem, jejunum hominem requisito ad vitales motus fluidi penitus non spoliari. 2°. Frigus illud quo animalia obtorpescent, non perspiratorios solummodò ductus, sed & alios adhuc obstipat externum corporis habitum alluentes, liquidorum partem condensat, aliam repellit introrsum, sic vasculosum systema minuit & abbreviat, cui proindè replendo ac peragrandò multò minor fluidi moles haud impar erit. Si ergo illud idem in pluribus humanæ machinæ vasculis contingeret, vitales ipsius sustinere motus potis esset parcior humorum copia. 3°. Sic sopitum animal, extincto simile nullum certè motum edit. Motu verò subtilissimum & spirituosum avolat è liquidis, quo depauperatum animal fatiscit. Tantam ergo non patitur jacturam, ubi cuncta ipsius prostrata sopore urget membra quies. Si igitur voluntario motu orbaretur homo, si morbo quopiam sed præsertim paralyti strato affigeretur; sic ferè immobilis jacens, minusque spirituosus deperdens, vix iteratâ indigeret instauracione. Quæ tria sic prænotata caliginem hinc abigunt, maximamque scænerant lucem. Apprimè enim cum præcipuis humanæ inediae phænomenis concordant. Id autem statim singulari dignum attentione occurrit, muliebrem sexum omnia ferè prodigiosa abstinentiæ exempla præbuisse. Unde nodo huic extricando proderit ritè intellecta scæminini corporis textura peculiaris. Cui verò notum non est, illud masculino humidius, laxius, debilius, parum exercitatum, multò minùs perspirare, ac superfluo redundare sanguine cujus periodicum effluxum exposcit integra sanitas. Ne miremur igitur, mulieres non solum parciori sustentari cibo, ac per hebdomadas à potu innoxie abstinere posse, verum etiam perfecto jejunio diu ferendo aptiores esse. His adde celebres hæc abstinentes quarum historiæ litteris consignatæ prostant, plerasque puellas fuisse mox puberes, in quarum idcirco corpore ultimum incrementi sui apicem recens adepto, necdum satis obfirmato uberius excreverunt succi, nec eadem ratione funduntur è corpore excrementa. Nunc verò revoca in memoriam singulis ferè jejunantibus, modò aridam esse cutim, modo frigidam, sæpissimè insensilem, nec plerumque ipsi superjecta sordescere lintea. Hæc profectò penitus interceptum arguunt halitum insensilem. Concludere ergo ne cuncteris, hujusce excretionis omnium certè copiosissimæ compressionem, debitæ fluidi moli intra corporis penitiora retinendæ, proindèque diurnæ fovendæ inediae potissimum conferre. Hinc diu sinè alimento vivunt, quæ ferè imperspirabilia sunt animalia, serpentes putà, viperae, testudines, &c. Jam intentâ mente perpende humanæ inediae ferè semper comitem fuisse paralyticum quemdam affectum. In hoc autem plurimi tubuli nervei, fortè & non paucæ arteriolæ sanguineæ ac lymphaticæ consueto liquidi sui appulsu orbantur. Hosce totidem ductus, tanquam ex universo vasculoso symptomate demptos concipe, ut res est. Quod liberum superest & patens, proluet movebitque parcior multò liquidi copia. Id tandem sedu-

lò perspicere hac concurrente parâlysi, nonnullis partibus motum aut sensum aut utrumque simul adimi, imò & quandoque totum immobile reddi corpus. Hinc ferè nulla spiritali liquidi jactura, quo per motûs sensûsve exercitium inprimis viduatur humana machina. Ut quid ergò hoc in statu posita assiduâ refectioe indigeret? Quâ verò mechanicâ ratione insensibilis cohibeatur halitus, paralytica accedat membrorum immobilitas, & impervia fiant plurima vasa, id ad pathologos mittimus explanandum. Connotare sat erit, effectus hosce haud difficilè inferri potuisse à subitaneis & violentis hisce casibus, ut & ab acutis & chronicis morbis qui ferè perpetuò humanæ inediae ansam præbuere.

Nunc nitidè dirimenda quæ hæctenus ferè intacta fuit difficultas altera, alterius jam solutæ poscit opem & conjurat amicè. Nec negabitur ipsi. Quod enim priori elucidandæ profuit, posteriori enodandæ non parùm juvabit. Id ergo statim adverte diligenter, ideo non instaurata fluida nostra blandam exuere indolem, acrem, alcalinam, putridamve contrahere, simulque deteri, sicari, ac contabescere solida; quia diluens diffilatur vehiculum aqueum, perditur demulcens lene oleum aut mucilago mitis, ex humoribus plus æquo contritis extricata salia exasperantur, tandemque præcipuè fervidiori æstu universa conflatur fluidorum moles. Hinc nimiam abstinentiam pressio pede sequuntur vigilæ, anxietates, spasmi, febres atrociores tum ardentes tum hecticæ, atrophia, marasmus. Hinc lethali inediae sævissimè damnatos, siti intolerabili potiùsquam fame necari constanter observatum. Exitiosam hanc fluidorum corruptelam & inde tot emergentia damna avertunt, in animalibus hyemali somno sepultis, insensibilis exhalationis aliarumque excretionum suppressio, systematis vasculosi jam notata angustatio, certæ fluidorum partis coagulatio, tandemque motûs muscularis defectus. Cur ergò eadem in homine nonnunquam coincidentes causæ, protractæ inediae descripta mala præcavere non possent? Arceantur omninò singulæ excretiones, at præsertim Sanctioriana perspiratio; nonne tunc omni præcluso exitu, sufficiens & vasorum mollitiei tuendæ & liquidorum præstandæ dilutioni, superest in corpore aqueilaticis copia? Si præterea sero luxuriet nativa temperies, nonne difficiliùs multò vehiculo diluente denudabitur? Hinc muliebris sexus inediae magis patiens, tum quia minùs perspirat, tum quia humido scatet. Hinc etiam serosi & phlegmatici tolerandæ abstinentiæ magis idonei. Tenuis autem mucilago, blandumve oleum quibus irretitum acre in liquidis mitescit, solidumque inunctum mollescit, non absumuntur, sed intus manent, ubi compressum quodlibet excretionum genus. Si verò exuberaret utrumque, & pinguis, mucilaginosâ, ac gelatinosâ prævaleret humorum diathesis, tardius certè jejuni exauriretur, nec tam citò insensa exurgeret acrimonia. Undè copiosè aggestam sacculis adiposis suavissimam pinguedinem, mitissimumque in ossium cavis uberrimè collectum medullarem succum, tanquam duo interiora pabula spectare fas est, quorum lentâ remixtione reficitur sanguis, mitigatur, diuque putredinis & acrimoniæ servatur experts. Hac imprimis ratione pingues & obesuli diu jejuni vivere queunt; tum quia plerumque minùs perspirant. Ast si eadem in abstinate ac in benè pasto corpore vigeret oscillatoria vasorum undulationis, motûsque humorum circulatorii energia; fluida ab imminente corruptione, non cohibitis posset eximere serosus humor, non collectum pingue oleum; illam potiùs acceleraret excretionum omnium suppressio, particulas acres vividis ac repetitis ictibus eVectas intus coercendo. Ut ergo retrâ humorum putredine non tam citò corruat jejunum corpus, magnopere præstat, vitalem motum in eo valdè deprimi, ac frænari. Quis autem rem ita esse insicias ibit, ubi pleraque membra paralyticâ atoniâ tenentur, ubi lecto manet defixus æger, ubi pingua, mucilaginosâ, ac torpida fluida, pariori insuper copiâ adsunt. Hanc ergo aliam ob rationem seu propter languidiorem vasculosi systematis tonum, inediam faciliùs ferunt humidi, phlegmatici, frigidi, obesi, & mulieres. Sic minuto & quasi sopito vitali solidorum ac fluidorum motu, jam non ampliùs pertimescendus fervidus ille æstus jejunum corpus tam citò depascens, torrens, perimens. Calor enim cæteris paribus affrictuum vehementiæ & partium sese conterentium numero respondet. Affrictuum autem vehementia causis mox enarratis dubio procul frangitur. Partium verò sese conterentium numerus est in ratione superficialium. Multiplicantur profectò superficies, ubi uberior fluidorum copia per angustiora ac numerosiora traducitur vascula; decrescunt è contra ubi & parcior fluidorum rivulus, & per ampliora ac pauciora vasa volvitur. Illud ultimum in omnibus inediae exemplis contigisse in comperto est. Subtracto victu fluidorum minuta moles. Occlusis canaliculis omnibus excretoriis, pluribusve secretoriis, lymphaticis, ac nerveis tubulis, tandemque nonnullis sensim obstitatis sanguineis arteriis, jam non nisi majora ac pauciora vasa circumæcto fluido irrorantur. Sic ergo decrescen-
bus solidorum fluidorumve superficiebus, reciprocos affrictus juxta eandem rationem decrescere, proindeque calorem inde ortum minui ac retundi necessum est. Hac ergo potissimâ ratione tam lætè fert inediam senilis ætas, in qua scilicet præ rigiditate & occallatione tubulorum capillarium deleta maxima pars, nec nisi per interiora ac capaciora vasa

circularis pergît humorum motus. Retento igitur in jejuno corpore aqueo latice, servatâ pariter mucilagine miti; fluidorum impetu fracto, solidorum torpente motu, remittente tandem calore, diu poterit amoveri putrida humorum infectio, Sic ergo non infaustè secundus ille enucleatur nodus qui primâ fronte velut insolubilem se obtulit.

Prægressis omnibus adamussim expensis, dubitate nefas quin tales concurrere possint causæ, quæ in humanâ machinâ nullo sustentatâ victu, & debitum ad vitam fluidi penu, & requisitam ejusdem blanditiem diù foveant. Ubi vero hæc duo obtinueris, jam à propositi inediâ problematis solutione non longè abes. Ne tamen causas alias huic illustrandæ compares ulterius inquirere sperne. Curiosè inprimis expiscari juvat, nùm jejunum corpus refocillare potis sit undique nos ambiens aër, occultum vitæ cibum in sinu suo recondens, devehens, & ad penitiora usque infundens. Placita hæc veteribus opinio, nec risu nec sibilo digna. Aër enim quo carere calamitosus est quàm ipso defraudari alimento, verum est chaos, ac promptuarium inexhaustum, obvolitantibus corporum quorumcumque ramentulis refertum. Hunc perpetuâ ditant animalium ac vegetantium exhalationes. Ad eum assiduè tendunt quæ è telluris gremio vitalia avolant corpuscula. Aquâ, igne, sale, sulphure, terrâ ipsâ volatili scatet. Quidquid ergo solitum constituit humanæ machinæ victum, hîc uberrimè collectum habes, at tenuissimum, subtilissimum, ipsâ amicâ naturæ manu conditum, nec ulterioris indigens elaborationis. Causam sciscitaris quæ pretiosum pabulum intrudat. Non aliam quære, præter ipsum vehiculum, atmosphæram scilicet quæ & pondere suo, & elatere ob caloris animalis accessum intensiori, proindeque vi propemodum immensâ illud impellit. Nunc viam requiris quæ advectum & impulsum excipiat? Ea certè quæ tam facilis aquæ circumfusæ, inuncti mercurii globulis, nec non therebinthinæ, cantharidum, aliorumve topicorum moleculis patet, atomis hisce alibilibus non negabitur. Nec repulsam patietur earumdem volatilitas, cum salubri indole. Has ergo ad corporis intima facilis aliâ quacumque materie perducent absorbentes meatus quibus totum exterius pertunditur corpus. Nec disquirere vacat, an ipsemet aër subtili quo turgēt alimento confusus, canaliculos hosce subiens, & corporis penetralia permeans, fluidis instaurandis simul conferat. Vero quidem proxima hæc conjectura. At semper erit aër non temnendus opifer, dummodò nutritias vexerit particulas, & in hiantes tubulos absorbentes impulerit. Illud enim occultum cibi genus, soliti victûs quadamtenus vices gerens, fluida reficiet, horumque nativam tuebitur fluxilitatem, dum interim suprâ recensitæ causæ eadem cohibebunt intra corpus, & ab insensâ putredine vindicabunt. Cum ergo tam modico possit homo vivere, nonne liquet quàm facile sit ac salubre temperantiæ legibus obsequi, nec unquam satiari cibis. Interim ex triplici jam resecto fonte, propositæ quæstionis integra solutio non manaret, nisi simul consuetum humanæ machinæ subtraheretur nutrimentum. Illud autem evenit, vel voluntatis insanientis jussu, quod rarissimum; vel involuntariâ alimenti cujuscumque inopiâ, ut in acerbis urbium obsidionibus, & in sævissimâ tyrannide quæ victum omnem negando necem intentat, quod infrequens; vel tandem morbo quopiam cogente, ut dum inexpugnabili horrore, nausæa perpetuâ, assiduo vomitu repelluntur ingesta, aut spasmus, paralyssi, aliove impedimento ipsis omnino præcluditur via. Et hæc ultimâ ratione jejunium plerumque subrepisse testantur supra narratæ tum & alibi reperiundæ abstinentiæ historiae. Quis verò observata hæc omnia, ut & deductam indè aithiologiam accuratè pensitans, præternaturalem ac morbosam illico non agnoscat corporis sic jejunantis conditionem? Quis perstare valetudinem asseverabit, ubi plurima occluduntur vascula, multæ interceptiuntur secretiones, excretionum omnium organa feriantur, languet motus, torpet sensus, & naturalis invertitur totius œconomiae animalis ordo?

V.

EX universo hujusce disquisitionis contextu certè inferre cogimur vel inviti, vitam quidem perfectæ inediæ, neutiquam verò sanitatem diù consociari posse. Ad assertum illud duxit te optatus ubique rationis, analogiæ, & experientiæ concursus. Eidem ergo firmus inhære, & impavidum te feriat undique impetentium objectionum turba. Frustra cunctas inediæ observationes falsitatis insimulabunt, quod nonnullas solerti fraude fictas fuisse diligens comperierit adhibitum examen. Inde enim tantummodò eruere licet quasdam fabulosas fuisse, nec temerè omnibus accedendum esse. Revera aliqua omnino falsæ, hæc præsertim quæ jejunium intactæ sanitati junctum exhibent; aliæ infra famam; plurimæ nonnisi certis circumstantiis veræ, aliæ falsæ deprehensæ sunt. At multa ex omni parte veræ perfectæ inediæ exempla extitisse evincunt observatorum doctrina, fides, diligentia, numerus. Nec facilè ductum ex Hyberno stertentium animalium jejunio infirmabitur argumentum, quod huic dissimilis videatur humana abstinentia, utpotè quæ non perpetuo sopore, sed pervigilio potius stipata. Etenim laxa quorundam membrorum aut totius corporis immobilitas, sopitus aut omnino impeditus in plerisque partibus sensus, perpetuus

ferè decubitus, tandemque tot canaliculorum obturatio, somno quadamtenus equivalent. Sic superficietenus obstipata, nec fluidis perfusa humana machina, chrysalidis instar nonnisi internam sed miseram agit vitam, pluribusque sensim labefactata malis plerumque vergit ad interitum. Animalia è contra alacria ut plurimum ac satis vegeta ex periodico suo somno resurgunt. Adde jejunum hominem libero perfrui & assidue iustaurari aëris usu, quo certè carent pleraque soporata cavernulisque subterraneis abdita animalia. Reminiscere denique non solum diu ferre inediam, quæ totam obdormiunt hyemem, sed quæ sæpissime moventur ac vigilant. Manet ergo inconcussum id rationis momentum quod suppediavit analogia. Nec minus firmo stabit talo superius adducta Theoria. Quod primum de excretionum omnium integrâ compressione protulatum, non evertent cruenta quæ nonnullis in abstinentibus puellis observata fuere profluvia. Hæc enim angustatum vasculosum systema, respectivam succorum redundantiam, & vim vasculis quibusdam interioribus illatam arguunt, proindeque explanationi nostræ potius favent quàm adversantur. Id pariter perstabit invictum, quod jam antea à nemine observatum, tantâ cum curâ connotatum fuit à nobis de frequentissimo paralyseos cum humanâ inedia concursu, licet in eâ convulsivum affectum prævaluisse, quandoque visum fuerit. Nullum enim latet vel leviter in Pathologicis versatum, spasmo constringi vascula. Potuit ergo hoc in casu, cutanea spiracula, aliosque complures canaliculos exteriores omnino præcludere, vasculosum systema sic abbreviare, & fluida interiora versus repellere. Nec prætermitte hujus generis affectum ægrotantes persæpe lecto affigere, sensuum organis non raro naturalem prorsus adimere usum, tandemque in atoniam imò & in paralysem haud ægrè commutari; quæ quidem in abstinentiâ spasmo sociatâ contingere. Ultimò tandem insurgent refragantes. Quâ singulari & inauditâ prærogativâ, paruli supersunt pabulum aëreum excepturi ductus absorbentes, ubi perspiratorii omnino oclusi? Gravem hanc objectionem non arduo labore dilues, si excretoria quæ insensilem eructant halitum, è genere arterioso, quæ verò alibilia aëris miasmata sorbent vascula è genere venoso esse statim annotaveris. Primum enim genus ingurgitationi magis obnoxium esse, cuilibet notum. Dein adverte verosimiliter majorem absorbentium canaliculorum amplitudinem, fortè & infundibuliformem figuram, non solum volatilis alimenti ingressui favere, sed & eosdem ab integrâ angustatione eximere. Specta demum, ut par est, tanquam vires sibi mutuo contranitentes, fluidi à centro ad peripheriam impulsu momentum, & aëris atmospheram assiduâ pressione corpori innitentem. Haud dubiè remittit illud in hoc casu, cum & pariori rivo, & languidiori impetu fluidum urgeatur. Interim pressio aëris profectò manet eadem. Hæc ergo particulas nutritias uberius in tubulos absorbentes intrudet, cum debilius diducta vicina vascula minus obstant. Undè sensim ultimâ coarctari, priores verò magis ac magis ampliari necessum est. Sic viventem humanam machinam, vegetabile corpus haud immeritò diceres. Non enim amplius suscepto intus pabulo reficitur, sed per patentes extrâ radices nutrimenta sumit. In hoc tamen plantæ dissimilis, quod perspirationis & suctionis non patiaturn alterna, verum quidquid alibile vehit aër, perpetuò avidèque sorbens, ferè nihil unquam in beneficium ipsius sinum refundat. Assiduam hanc & fortem jejuni corporis suctionem innuere videntur duo in abstinate Vivariensi observata, promptissima scilicet emplastri epigastricæ regioni apposti exsiccatio, & excreta per alvum, paulò antè obitum, materies topicum illud perfectè olens. Num arida & rugis arata senum cutis subtili huic exsugendo cibo expeditior esset? Id suaderet experimentum quo constitit aërem per corticem arborum vetustiore liberius transmitti. Jam verò omnibus hætenus expositis, non tam tutò ac feliciter jejuno corpori refovendo provisum fuisse autumamus, ut de indagandâ causâ ipsius ruinam sensim moliente solliciti simus. Vitam quidem descriptâ mechanicâ ratione ducit humana machina nullo refocillata sensibili alimento, sed singularem prorsus, morbosam, luctuosam, dimidiatam, & ut plurimum malorum conflictatam iliade, mortique propinquam. Quid ambigis adhuc? Haud mora, animosè sic concludere est in proclivi:

Diu ergò potest homo, sine cibo potuque, vivere quidem, non verò valere.

Proponebat Parisiis, FRANCISCUS-DE-PAULÂ COMBALUSIER, Burfandeolensis apud Helvios, Doctor Medicus Monspeliensis, Antiquus Medicinæ Professor, nec non Saluberrimæ Facultatis Medicinæ Parisiensis Baccalaureus, A. R. S. H. 1750, à sextâ ad meridiem.

Typis QUILLAU, Universitatis & Facultatis Medicinæ Typographi, 1750.